



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六〇八

習苦齋詩集八卷習苦齋古文四卷 戴熙撰

一

沈文忠公集十卷首自訂年譜一卷 沈兆霖撰

一三一

浩然堂詩集六卷浩然堂詞稿一卷 江開撰

二五九

補學軒詩集十二卷補學軒文集外編四卷 鄭獻甫撰

三〇九

尊聞堂詩集十六卷 胡兆春撰

五七五

尊聞堂文集十二卷 胡兆春撰

七三三

# 習苦齋詩集

壬申中秋  
同卿世丈夫贈  
公質識於鴛湖  
舟中

國史館列傳

戴熙浙江錢塘人道光十二年進士改翰林院庶吉士  
三年四月散館授編修七月

大考二等一名升右春坊右贊善十四年轉左春坊左贊善

十五年三月充會試同考官五月丁母憂十七年服闋十  
八年閏四月補原官六月遷右春坊右中允

命在南書房行走七月充

日講起居注官提齊廣東學政十一月升翰林院侍講十九  
年六月遷右春坊右庶子俱留學政任十月以御史焦友  
麟奏陳廣敷教化整飭風俗一疏偕兩廣總督鄧廷楨等  
遵

列傳

旨會議奏覆略言我

朝教澤覃敷訓迪士民無微不至雍正七年乾隆元年議定  
各直省州縣設立講約選舉約正每月朔望宣講

聖諭廣訓地方官並教官仍不時巡行宣諭加意化導成憲詳明  
歷久遵奉茲該御史請督令教官按期宣講

聖諭廣訓直解自應申明定例責成實力奉行至所稱查有習教  
等事准教官會縣拏究其扶同隱匿者生員違坐查教官

專資訓課若兼責以地方之事恐拏究未能得力而訓迪  
轉致分心且恐藉此干預地方亦不可不防其漸生員則  
讀書明理容有任事之才然恐稍涉迂謹者雖知秉正嫉  
邪而實未諳事務其向來好事者甚至捕風捉影或更涉



於糾紛且繩以連坐之法更恐顛倒是非畏罪妄指其流弊不可勝言應請無庸置議抑思現當嚴查鴉片之際備膠岸未盡肅清則草野易由觀感是查禁生員吸食鴉片實先務之為急亦因地而制宜應飭各教官於該管生員留心訪察如有沾染惡習即據實舉報備失於覺察甚或知而不舉一經獲覺立予參處惟見行新例並無教官處分專條擬請

敕卽明定處分以示警惕至教官賢否不一倘其身自吸食何以能範諸生惟有諄飭藩司慎選於平時州縣訪查於就地有犯卽行嚴參如此層遞稽查示之標準庶師道立而善人多士習端而民風厚矣疏上如所議行二十年三月

列傳

士

升翰林院侍講學士仍留學政任十月差竣奏請回籍省親

賞假一月二十一年回京二十二年三月以父老請開缺終養

尤之六月丁父憂二十四年服闋二十五年正月來京候補三月

充會試同考官五月復提督廣東學政六月補原官十二月

月升光祿寺卿二十六年二月升內閣學士兼禮部侍郎

銜俱留學政任十二月差竣抵京二十七年四月以學政

任內失察年老武生入場部議降調

上加恩改草職留任五月

命稽察中書科事務二十八年授兵部右侍郎自終養起復並兩次差旋至是均得

旨仍直

南書房二十九年閏四月罷

南書房行走七月充監督馬館大臣以浙江本省水災捐資

備賑下部優敘旋因病陳請開缺

詔以三品頂帶休致三十年

今上御極禮部尚書孫瑞珍選

旨保舉人員以熙奏入

召來京聽候簡用仍以疾不果至咸豐三年粵西逆匪披猖歷

楚皖等省攻踞金陵復四出紛擾浙省戒嚴由官紳勸諭

捐輸舉行團練五年巡撫何桂清以熙勸辦出力奏獎下

部優敘又省城設局操防協助官軍經官紳等請令熙綜

列傳

奉

司局務七年巡撫晏瑞書疏

聞九年以督辦出力經巡撫胡興仁保奏

賞一品頂帶十年二月賊擾浙突犯杭城偕杭州將軍瑞昌激

厲兵勇士民同心守禦力盡城陷熙率家屬等死之五月

瑞昌查明疏請優卹

諭日前任兵部右侍郎戴熙在浙江本籍辦理團練及協防局

務殫精竭慮任怨任勞本年賊擾省城與該將軍力籌堵勦

勤勞晝夜公爾忘私嗣於城陷後從容盡節悼惜殊深著追

贈尚書銜照尚書例賜卹任內一切處分悉予開復應得卹

典該衙門察例具奏並於錢塘縣本籍建立專祠伊弟副貢生戴熙媳金氏甥候選訓導王朝榮同時殉難均著交卹分

別旌卹並准其一體附祀伊子候選訓導敷有恒著賞給通判俟服闋後分發省分補用以示朕篤念忠盡至意尋

賜祭葬

子諡文節

列傳

四

敘

儒者立言貴乎不朽其所以信今傳後者原不在文詞章句之間苟考其生平窮無獨善之操出無兼善之具苟且踟躕以終其身即使讀書論古搦筆爲文洋洋灑灑日千萬言非不燦然可觀而識者病其言與行違浮夸失實方且唾棄之不暇又可以欺天下後世哉若吾鄉戴醇士先生者早登清選深荷

主知而風骨崢嶸爲時所重敦受

命掌文衡士林中有珊瑚無遺之頌先生工丹青

成廟亟賞之先生恆自矜慎不欲以縑素弋名也咸豐庚申歲粵逆大股犯省垣時先生乞休已久猶復指陳方略

敘

十

力疾登陣爲鄉里樹先聲城陷之日遂從容就義率其身以歸

國家嗚呼先生之出處死生光明卓越其殆天地之完人歟曩幼時負笈吳趨卽企慕先生盛德恒以不獲一見顏色爲恨長而筮仕中州蹤跡益與先生相左今春乞假歸藉得先生遺集讀之精微淡遠寄託遙深絕不在尋常慧業文人摘藻揚華之列嗚呼生則爲英死則爲靈行純文粹光炳日星先生之不朽者不在翰墨而先生之翰墨愈可以不朽矣世之工於詩古文辭津津焉自謂不朽而卒之與草木同腐者夫豈能望先生之肩背哉亟爲梓而行之以志仰止高山之意是爲序

同治五年歲次丙寅八月之吉 同里後學張曜謹表

敘

二

習苦齋詩集卷一

錢塘 戴熙 醇士

澄慮

躡登太華峯下視衆山頂道遇古仙真身披彤雲影招我  
來山中山中非塵境朝朝採石髓服食鍊虛靜道成化白  
鶴歸訪故鄉景城市非曩時原上珠翠冷感懷念時昔千  
載一俄頃歸然亦何爲俯仰發深省

西園桃與李柔條待春發紅紫紛奇葩灼灼二三月中宵  
驟雨作芳菲條焉沒早知天地間榮華有銷歇對之一沈  
吟歲月去飄忽

道左見孤松高出千章樹自謂頗挺出落落寡知遇旁有  
習苦齋詩集 卷十

採樵人十步一迴顧倦彼棟梁姿能無析薪懼處身抑何  
危異材無乃露不若山中卉猶得榮朝暮  
入歌歌不亂入鳥鳥亦馴若猶見鳥獸豈是忘機人至人  
本無爲隨遇皆等倫浸淫物自化其氣和以道脩短非所  
期此理薪傳薪時哉慎所習吾其守吾真

聽園散步 金秀齋有池  
藍名聽園

日擁書城事檢尋小園亦足空人心春來未掃林間石雨  
後纔聽葉底禽靜對斜陽移竹影閒隨流水過花陰嘲風  
咏月非吾事偶借清遊助冷吟

巷南晚行

隔水兩三家柴門烟樹遠綠搖深院竹紅出矮牆花曲巷

吹寒犬荒林棲倦鴉鄉村在 cities 踏徧路敬斜

野田黃雀行

飛飛黃雀喜切切少年悲坐視投網羅不能通一詞榆枋  
未可棲送爾摩穹蒼穹蒼多鷗鳥哺花置巾箱同處天地  
間安得不相關國報吾所恥還爾白玉環

報先寺禮印梅師塔有序

師楚人年六十餘廣穎長髯住報先寺為家大人禪友  
數來家自言入定頓悟相地相人諸術徧相家人咸驗  
非世俗相法也熙時纔四歲山見師曰此非常兒宜為  
吾弟子遂度為沙彌題名妙元八歲六月師旨暑至謂  
大人曰翼日乞詣寺然不可攜吾弟子來再四屬卒不

習苦齋詩集

卷一

二

言何事詣則師已沐浴更衣坐化矣衆檀越悉在蓋椽  
知時至約送入龕又不欲小弟子見自相地在寺後石  
中土穴正容一龕營葬後大人時幸熙展禮焉

隨侍城南寺幽寺入翠微竹深通古路林杪見禪扉未證

三生石猶藏百衲衣蒙賜僧衣猶在佛堂鐘磬冷旃影弄朝暉

不到舊遊地於今十載寬相知有猿鳥故逕識巖巒座石

蒲團寂壁間樛拂寒雲歸無處覓窳堵隱檀栾

尊宿不可地空山如此高昔來摩詰室曾授涅槃經樹色

侵香齋苦痕沒碣銘僧難取梵夾話舊亦堪聽

駕

數里青苗接釣磯西湖白鷺故飛飛回頭忽見山深處

點斜陽入翠微

小園探春

不知春信息幾日到吾家罷讀罕人事閒情觀物華池寒  
魚戀藻風定曉尋花却愛青黃柳欣欣傍水涯

童試詠琴棋書畫

金徽玉軫錦絲絛古調冷冷手自操指上粗能分徵角耳  
中試聽有風濤不嫌焦尾須逢蔡為解無弦欲問陶一曲  
方終誰作答空山夜半鶴聲高  
雷威製作本來工况得龍門百尺桐石上眠宜聽蕩客林  
深攜倚養茶童韻傳萬壑松風外心在一丸明月中不識  
鍾期何日遇七絃弦上寫深衷

習苦齋詩集

卷一

三

王子楸枰棊几安高朋四座博清歡古松流水聲相間清  
簾疎簾局未殘竹閣茶餘僧獨算書牀酒醒客傍觀果然  
黑白能分別休道來爭勝負難

不知幾道莫輕嘲今夕挑燈約素交一院無風人對坐卅  
牕有月子頻敲樵夫未必柯真爛仙叟由來槁作巢飲局

悠然忘世事未須別墅賭雲坵

金石雷遺迹已陳栽蕉種柿逐時新硬黃展處頰揮翰飛

白臨來更絕塵三代古文傳已渺二王習氣解何人寂憐

几淨聰明地洗硯呼童到水濱

力學常嫌手腕孱撐船上水不辭艱晉唐法溯周秦上真

草源通篆籀間故謂盛名容易獲從來質本要先刪白慚



急就章無幾只為匆匆未得閒

一幅吳縑手自披雲烟頃刻說神奇祇看堂上生楓樹不

信胸中有竹枝落筆縱橫方入妙解衣磅礴未妨癡流傳

粉本今猶在誰悟前身是畫師

紛紛精緻更豪華索驥知誰肯按圖名士恐遭當世疾笑

人愁被俗工誣總緣賞鑑不常有若論丹青何處無認取

一枝摩詰筆芭蕉幾葉雪中枯

夜遊虎跑

晚景入高林蒼烟起遙岫披衣乘夜出涼月白如畫幽人

喜蒙密避月入松竇月來等幽人清光松下漏舉首忽見

月松影滿身瘦石磴結跌脚就說聞寒澗

習苦齋詩集

卷一

四

古藤若龍蛇天矯松上絡山嵐起洪濤藤子中夜落迴顧

所來徑峭壁勢如削俯視下深黑知有千尺壑身在萬松

顛欲化喉空鶴寺門扇不開歸途望飛閣

種竹貽同學

屈指欣逢竹醉時數竿新向比鄰移多君高節能相友對

我虛心寂可師徑為讓根添曲曲人綠等笋去遲遲可能

添得三分水清影蕭疎寫碧池

擔牙牆角韻應颺玉立亭亭看漸俯一院曉風牖上月半

簾夜雨枕邊秋得新須勵雲霄志念薄應讓鸞鳳俦他日

濃陰千畝徧竹萌好為主人酬

開夜

高閣坐深夜憑欄清興增秋風蘆渚雪夜雨竹樓燈宿鳥  
呼叢樹寒聲聚古藤前山孤磬發雲外想歸僧

步出東門外

步出東門外秋江接暮天遠帆移夕照獨鳥破寒烟曠望

連郊野閒行度陌阡歸途更容與樂歲話高年

曉臥聞雪

雞聲幾覺到銜茅冷入衾安布被均偃臥不知牕外雪東  
風吹上早梅梢

雲林僧雪中送笋至

看雪起開扉山僧雪滿衣贈春疎曠使參玉悟禪機行脚

衝寒到駢頭破凍肥寄快牕上竹今夜月增輝

習苦齋詩集

卷十

五

閒居

歲云暮矣灑掃庭戶焚香煮茗讀陶詩罷即步小園深  
竹中遲同學謝穀室家禾不至述此寄之

魏余不知耕安居食有肉一卷陶公詩蕭然嬉幽獨手錄

南牕下即就南牕讀我門風為關門外雪撲簌對雪重開

卷窺牕見脩竹俯仰若有得茶餘煮黃熟

高吟吟未已披衣出門去我行本無定叢篁忽夾路野梅

尚無花山茶偶一遇坐待寒鳥歸徘徊未能去故人風雪

中獨立當有悟

穀室同塾四載相得甚歡今歲將去為童子師留之

不可賦此誌別

嗟予素寡儔遇君惜不早追隨今四載相資期永好忽聞  
將去茲怒焉心如擣此去非君意別子殊草草憶予初識  
君中腹外若稿終日抱遺經危坐事幽討艱澁思旁通  
逋務博攻而予觀大略有作真獨造自謂得奇能君乃出  
速藻洋洋走千言紙盡筆猶掃根柢君窟深天棧子亦疎  
瑕疵雖互擗得備共傾倒此樂可終身投贈輕絳縞何意  
爲饑驅初心不自保榮榮失依倚戚戚傷懷抱幸非泰山  
神一舉歸蒼昊離居而同心去去勿復道

憶夢

曉色微茫裏倏遽度隴坡露增芳草色風旋落花渦夢中  
醒說獨往水邊立長吟林下過夢回渾不信彷彿見坡陀

習苦齋詩集卷一

友人索賦鸞詞

鳴鶴初拂羽毛長性月從來說水鄉社鼓聲聲喧白晝小  
姑新拜馬頭娘

未過穀兩祝三眠細紫鷄翎趁暝天不雨不晴嫩紅日家

家蠶子曬門前

牆角柔桑綠意稠猜疑葉價費網繆阿儂愁長遠愁落生

怕多愁却善愁

紛紛占箔已多時鎮日局扉却忌誰祇有一雙新燕子呢

喃猶向隔簾窺

夜來相守問如何幾盃明鏡聽漏過恁底子規嗁徹曉不

知門外柳花多

爲吾今年無倍昂繚車響處盡初長人家門上餘紅帖春  
雨春風已淡黃

暮歸

回首高峰遠行行野水濱小橋花送客曲徑繞隨人燈火  
林間寺笙歌郭外邨歸來坐深竹風月一閒身

靜夜納涼

小樹臆疎三面開菱荷香裏重徘徊花深一鳥避人夫水  
淺羣魚咬月來瘦竹書空凭石磴叢蕉舞影立牆隈生平  
性僻耽閒靜獨立微吟步綠苔

宿靈隱

山重嶺複勢紆回遙見禪扉樹樹開一路笋香尋竹到滿  
習苦齋詩集卷一

身松影問泉來晨鐘暮鼓清塵慮碧瓦紅牆認劫灰時方

更向翠微亭下望崎嶇不遠老僧陪

冷泉亭觀雨

雨從何處作風忽挾之來秋氣已如許泉聲亦快哉瀑飛  
危石動湍急溼雲開獨坐遂忘返蒼然暮色催

聽雷道士談峨嵋歌

成都道士雷其姓自謂遊遊出天性昨由峨嵋渡錢塘帽  
巾方袍揮塵柄是日雲林飯千僧道士適與頭鬚鬢飯訖  
敷坐談所歷對人說蜀信有微峨嵋之高無匹絕頂千  
盤計旬日就石鑿級鐵施纜攀以兩手行以膝直下萬丈  
雲冥冥飛瀑不見聞雷靈朝饒口雷太古雲夜臥手摘三

恒星縹緲時現金銀關通關飛仙勢飄忽寒裳欲往嗟無  
由未有金丹換凡骨神仙有無不可知習勞得壽則有心  
吾師年正九十五百三十六師之師吾今年亦六十六去  
歲辭師發天目捲簾躡屣走風雨身行萬里不宿宿燭殘  
語息猶不眠仰見明月停中天夜靜松聲四山起恍然坐  
我峨嵋巔疑君即是飛空仙

鄉試聞報

清絕三更正下帷化書一卷讀移時是夕讀再驚心消息  
爭先到信手文章轉自疑早歲熟聞程子戒慈親故作塞  
翁思傍人笑擬當場景新婦經年忽抱兒

初試春官家大人攜行

習苦齋詩集 卷一 八  
十步必動問百步若已遺攜字二十載父母不能離去歲  
就秋試開報心頗怡轉瞬赴春官載謀復載惟阿母意不  
釋懼我無所知數數語阿父聞父力勸之亟欲釋母意父  
意轉遲疑謂當攜爾去慰爾父母思嗟我未入世蒙昧猶  
嬰兒榮華非所及科名將何為徒以四方志有弟不敢乖  
父前母後送竟解扁舟維

出關

春水路驚環登舟出北關迴看新柳岸無限夕陽山城郭  
人烟外程途客語間拱辰橋上望幾點白鷗閒

舟中待月讀王摩詰詩

渺渺寒塘路中懷傷于役兩岸夾青蒼輕舟指林際稍渡

綠楊洲遙矚漁人宅燈火雅候門菱笠叟歸陌月出蒼烟  
開太湖接天白好風從東至纖雲弄寒碧一卷畫中詩巾  
箱伴行客無以寫離憂微吟坐遙夕

月夜舟過含山下

清磬不可聽滿山松色寒無人烟月上孤棹撥微瀾梵刹  
通幽逕漁舟隔遠灘沽春渺何處理市一燈殘

元夜二十初度在姑蘇舟中呈家大人

此地故鄉月照人今夕圓恍聞慈母語遙憶抱兒年燈火  
誰家院笙歌何處船一時能破寂藉慰客心懸

經刻石

晚登太平興國寺塔還至天甯寺觀蘇文忠公金剛

習苦齋詩集 卷一 九  
平明展腰脚拂衣霜氣肅古塔凌蒼蒼拾級多盤曲本非  
曠士懷聊舒眺遠日原隰紛縱橫邱墟相連屬烟雲接混  
樞遠山勢一束日出深林間峰峰淨如玉遙見林杪剎歸  
路訪金粟入門鬱杉松斜徑間花竹精廬靜猶扇疎鐘斷  
復續壁上舊碑碼拂拭尚堪讀坐久不逢僧樹影上階綠

登北固山望揚子江

北固峰巒氣象尊登臨俯瞰大江奔潮兼風雨吞瓜步浪  
湧金焦出海門向日孤帆空際杳接天平楚望中昏黃河  
泰岱何時見奇絕茲遊合共論

寄家書

辭別亦未久幾經行路難萬言空瑣屑二字了平安莫憶

八千里同看月一九凌晨當早發理楫待江干

曉至瓜州

水樹微茫外烟波接畫樓笛聲何處起殘月落瓜州回首  
生遙憶問懷亦勝遊荒雞聞隱隱邑聚暫停舟

登陸後家大人迴舟至金壇縣

舟行不計程遂抵河之涘我父將他適心念遠遊子瀕行  
遲不發願謂吾觀爾于役未云勞頗能輕千里同車屬提  
攜陸君序訪哉吾返矣重謂涉世法事人先責己謙和而  
寬廣失一吾所否又謂科名得失當齊視幸勝固欣然  
敗亦可喜耳獲歸無留滯爾母倚閭俟驪駒係在門伏拜  
含泪起瞻望不可及迴舟想猶疑

習苦齋詩集卷十

十

夜經大谷崖

大山一毫芒大谷少表見咫尺不相睹夜深忽當面拔地  
挺千仞與天青一片驅車碾礪聲盤回勢欲旋飛蓋時輕  
軒參乘相後先輪怒雷奮擊石裂火驚炫直上巖高頂耳  
聾目亦眩仰摘明星煌下聞寒瀨嚙林禿攪熊黑沙明耀  
珠細是夜黯無月霜花密如霰狂飈礪礪飛大霧軒轅戰  
平碧辨原野深黑失郡縣仄坂不容轂欲注馬猶戀失勢  
忽一落有似弦激箭到此人力微不覺生命賤下崖日東  
生雲氣忽又變

蒙陰道中

驛樹圍山縣重關帶夜岑春風吹客夢殘雪過蒙陰三唱

荒雞徧五聲寒漏沈長安千里外蒼莽亂峰深

雨

頑雲積不散驟雨倏已淋四望若無路滿目皆愁霧烟新  
暮遠野霧重遮遙岑高隴起臥懷遠邇惡歸禽行裝沾濡  
盡惡木安有陰逆旅客累問訊多譁喧重陳蕃榻微  
薄蘇季金何會窘下箸杜陵歎溼矣安路苦哉遊  
子心入夜更悶絕聒耳多繁音中止勢益倍聽久聲愈沈  
向雨再三語祈汝毋為霖

雪

雨落昏未已侵曉復兼雪風聲若怒號樹影半明滅揮刀  
雲不開驅車路又絕地溼積易消天寒凍欲結前山接混  
沱向空辨纖屑遠遊良獨難所遇多兀髡土人正欣欣

蝟菊萌蘖

故園三千里春風十二橋泥人惟岸柳不折也魂銷

趙北口題壁

出都

桑乾河外路漫漫帽影鞭絲跨短鞍回首觚稜無可戀還  
家不比去家難

盧溝橋口占

綠楊影裏望天涯對此如何不憶家永定河邊無限月  
多一望便登車

驢馬歎題驛壁

驢馬歎題驛壁



轅馬轅馬爾何不幸牽車泰山下泰山一何高牽車一何勞  
三日上道皮肉盡瘦骨杖杆摩兩靴摩兩靴血模糊即  
當鈴鐸走長途鞭絲搖搖攘其臂車蓋一軒復一軒攢蹄  
奮銳越重岡夜半呼聲動天地山却日落風蕭蕭解鞍入  
寢聞哀號枯荑誓盡苦不飽強者乃復爭其槽我為爾歌  
爾當傾耳吁嗟乎壯心那可已會當一日走千里

古槐行

道傍高槐勢盤曲碎花零星綴如粟客來繫馬夕陽街滿  
身濃蔭備方得濃蔭沈沈生晦冥兔耳微黃鼠耳青十樹  
五樹昔年塚一株兩株誰氏廳滄桑轉變無人誌枝盤鳥  
雀柯穿蟻劫燼餘灰知幾時小碑已蝕隋唐字野徑蕭蕭  
習苦齋詩集卷十  
風色寒摩抄擬議龍蛇蟠誰云材大難為用漫摘槐花仔  
細看

游岱廟

崎嶇積經旬羣山以萬計忽擁岱廟出突兀殿角銳憑戟  
入泰安山店日未晚衆言曷一遊出門共牽袂風沙漸蕭  
索叢薄多虧蔽仰見青雲間金碧逞奇麗古木衝棟堯積  
石鑿階砌高閣豁軒敞密戶鬱陰翳中峙駁極殿威赫坐  
青帝虎賁乘長戟龍女披輕氎道人說真形山童促小憩  
等視古畫壁流傳逾百世復示大玉圭煥寒判兩際足息  
興益鼓苦茗未及啜再觀殿後山音囑相附離薄雲斷猶  
窺新霧嫩若脆松撐搏人拳石作攫鬼勢羸秦没字碑苔

蘇成篆隸漢柏焦其尾臂見鸞欲噉疑定日尚眩歸夢詔  
成曠長嘯登天門風雲生佩掃遙見仙真下幾我蓋高岳  
長脆問丹訣授我金丹細魂悸起長嗟斯遊何時繼

途中雜興

歸途如啖蔗佳境日相宜山麓遙增翠塵揚漸不滿柳絲  
風外鼻麥穎雨餘垂自覺勞勞憤尊前一展眉  
郟路依田曲山城繞石過橋長跨野岸塔壞出巖阿落月  
荒城遠殘陽斥堠多明晨當早發中夜問如何  
炊烟曉易迷啞啞早鴉噉露重花香東雲深葉暗紫矮槽  
驢馬齧高屋見雞樓閣說前途坦寂宜新鑿說  
平林時淡沲纖墟亦空濛忽雨催歸鳥斜照斷虹雲光  
習苦齋詩集卷十

習苦齋詩集卷十

分向背霽色變西東為探陰晴信頻占早晚風  
百里見旅店孤邨依老槐籬疎沿陌插扉破面山開臥犍  
看人過歸驢負糶來縛蘆棚底坐無事且銜盃  
塵鑿泥塗壁櫓支曲木椽門偏容駒馬院足屐長讓燈穗  
棉繩積牀杠草帶穿殘瓦兼冷炙一飽竟酣眠  
寒暑天無定肥磽地不同古風山縣在時物水鄉豐清話  
樂莫樂倦遊東復東未歸先快意指日坐烏篷  
義羸行 出都車下一羸一馬馬至富莊驛死  
為哀鳴不食者數日作此記異  
驅車出都門寒廐兩耳銳鞍前繼以馬頗不受控制質性  
雖各殊用力實相濟隨行如兄弟險阻能防衛常見附耳  
語同心若勉勵上道未幾日小駟忽焉斃行旅安得帷草

草埜中控迴顧，膝下麻衣號若有涕。空殿不忍入，踰門向階砌。枵腹眠生芻，獨立若先祭。向人再三鳴，欲訴不能細。嗟爾物性微，尚克懷遠逝。寄言翻覆交，此語非余贅。

羊流雨

劉城城南簫鼓推，雷君裹糧從西來。曉氣日熾射金鎧，倏忽倒行沈光彩。五色舞衣不耐寒，小魂夜哭歸西海。鷹隼勞勞銅骨聲，水中之馬重行行。衣上白雲揮不去，手持車柱覓秦樹。羊公古祠如有人，竹鞭遙指迎輕塵。卸鞍雨歇天新浴，北斗闕干倒醜。蘇清宵獨客愁不眠，古壁慘淡燈花綠。

高郵夜泊

習苦齋詩集 卷十

古

暮雨條已霽，鄉夢醒遙夕。起坐挂西牕，蒼茫遠天碧。水因翻荻蒲，微聞棹歌拍。不見烟中人，夜深江月白。

渡江中流作

浩浩長江水中流，風日閒潮移瓜步。樹天接海門，山擎楫曾爭渡。揚帆又喜還行蹤，不可覓彈指去來間。

拱辰橋日占

半載離鄉易思家，一刻難匆匆。爭渡急心已過前灘。

習苦齋詩集卷之一終 九月言讀時外淫守湖心曾記

習苦齋詩集卷二

錢塘 戴熙 醇士

宿天香閣聞雨

一徑入蒼蒼，柴門隔女桑。危樓瞰遠水，古碣臥殘陽。石瘦筋多露，松低鬣不張。夜來山雨作，庭桂恨餘香。

曉霽至閣後

一雨灑然霽，曉來雲未回。秋山瘦若病，古塔醉而微。聞說清涼界，深藏烟樹堆。尋幽時獨往，小步到林隈。

佛殿吾生瓦，僧厨竹護門。簷低花不礙，壁斷溜成痕。欹桁依藤，蔓斜坡借樹，根遙山淡如此相對兩忘言。

立春日坐紅梅花下作歌

習苦齋詩集 卷二

十一

紅梅花開向花語，去年君開我先去。綺閣畫廊空自閒，雪點征衣亂如絮。北風蕭蕭寒入骨，清尊曾醉梨花月。酒醒詩闌頻憶君，歸來無那春銷歇。今年春早破臘殘，綠苔枝上紅椒攢。咒君開盡莫留戀，笑我與君會面難。我將舍君遊長安。

大雪難行舟次北關

東風留客到凌晨，贈別憐渠一段春。寄語家人莫相憶，今宵猶是故鄉人。

雪霽看臨平山

舟行快清曠，日對寒林臥。仰見臨平山，綏綏隱隙過微茫。辨欲無峰尖，雲忽破雪光照。眼明迴顧落日大，漸覺凍霧

開裝笠見一個舉手欲挽雷輕舟去無奈薄莫發高詠命  
洒聊一作亦足慰鄉思中流且穩坐

宿石門縣

遠樹隱孤城濛濛雪乍晴微風吹月上隔浦細波生覓句  
遇同伴離家共數程深宵莫就寢短夢寂淒清

雪霽遊獅子林聯句

奇境不在多吳奇所取惟險絕昔登蘇門舟 戴熙未及松

圓泉約伴春初遊許乃裕共赴夙願切躡足濺泥泥 熙連

袂互提挈園丁導行節新遠客竟故轍雲封添盤紆 裕雪

釋露峴嶸地窄勢鬱怒新水曲聲鳴咽跨磴煙霧改 熙穿

洞氣候別杳然石樹隱裕豁若眼界裂咫尺迷天梯 熙靈

習苦齋詩集 卷十一

怪劈地穴豕腹脹瀕洞新鬼臉幻凹凸挂星千乳垂 熙削

雲一片截盪胸變與曠裕証日弄詭譎日罅寸碧補 新煙

梭遠翠子石髓風未凝熙山口月鏡缺樹撐夜叉臂 裕泉

漱廣長舌禿柏褪古黛新病松支寒鐵函鏡照面積 熙脩

紳誤手扶遠堦卓霄漢裕迴闌駕虹蜺藤曼驚蛇蟠 新松

子看鼠竊巖阿不可窮熙殿簷何惜折勢拗一步窘 裕眼

僂雙足劣仄徑宵以深新危亭圯猶設花石忽然暝 熙坐

嘯聊以悅嶄岩極勾雷新煙霞轉飄管三墮復三登 裕九

曲壘九折如入魚腹浦新神祕八陣泄如注羊腸坂 熙天

險五丁掣如李愿盤谷裕鬼神競羅列如柳州西山 新熊

麗肆嚼囉或如蝸旋房熙或如蝗穿垤或躡如猱升 新或

僕如蝸結始知一尺天百怪幻不竭裕又如頃刻夢萬事

得盡閱依木相牽連熙印苔恐傾跌歸途忽平坦 新想像

猶兀跪倪迂曾于園熙米顛遺在禿曠代遯今古 新真蹟

惜磨滅獨此異境存裕猶挺高士節不覺身入畫 新絕勝

口授訣高懷波濤翻裕奇句日月揭解衣座上歌 熙把酒

燈前說茲遊亦偶然新鴻爪印殘雪 熙

春餅卽席聯句

綺節逢上元新春筵快說餅白哲人面團 熙赤陽日脚永

梁指瓊屑飛裕滑參麥光冷樵月繪冰輪 新窺天府金井

壁合了無瑕裕鏡拭若有影如蓋裏碧蓮 熙似錢鋪白苻

映愛字可書新畫笑筆徒聘膾細捲千絲 裕非嫩剪雙穎

習苦齋詩集 卷十一

玉軟一搦香熙雲薄百疊併瘦篠儼篁苞 新圓筒效籟聿

老獲慰齒牙裕大嚼空盤皿轉瞬宴紅綾 熙同簪

御園杏 新

觀慧山殘雪

一幅殘雪圖寫向晴波裏不遇范華原此景空復爾

觀慧山塔燈限燈字五排十二韻同吳我鷗作

一片光明界高寒巖上乘遙峰雲擁塔永夜雪迷燈水湧

金遊燦霞舒寶樹蒸燭龍鱗甲動蠟鳳羽毛騰徹海懸珠

串擎天挂玉繩熒熒星關角面面月生稜縷絡垂千穗珊

瑚臺七層九香青眼豁萬點白毫凝鹿苑曾抄錄魚山合

住僧鏡芒疑電閃鈴語想風騰遠火桅相映空花筆欲凌

何時同結社拾級快先登

原作

仁和吳 珩我門

上界鐘聲寂名山夜色澄華嚴瞻寶塔智慧簇珠燈朗  
奪三宵月寒懸一盃冰風高銅鳳翥烟繞燭龍騰珊瑚  
擎千尺金蓮湧七層茶毗丹靛射舍利白毫凝功德人  
天徹光明頃刻增九枝飄絡索八面燦瓠棧法炬驚棲  
鶴品芒攝化鷹施檀恩梵客藝桂定禪僧輝定難圓借  
階期雁路登干雲懷綵筆闕談我猶能

過金門牖

江氣逼面寒遊子掀篷望桅檣蔽金門石鑿壘壁狀雙壁  
斗然立水怒石不讓大舟當其喉橫亘相扼抗小舟綠其

習苦齋詩集

卷二

四

隙歌側務依傍干艘爭一門衆目盡東向呼聲忽加倍舟  
子力俱王氣已前路吞纜繩苦不放坐使日車行兀兀各  
惻悵薄莫雲又變驚風挾駭浪天色暗如鐵青霧靦面障  
雨細春燈昏月黑龍湫漲寒濤受約束入夜聲益壯銳意  
久已倦瞥見舟在上相顧盡失色問訊語多証喧聲漸覺  
遠猶見舵尾仰移舟泊斜岸遠矚孤帆颺蒼蒼對平林歷  
歷橫遠嶂快意來朝程一瀉千里曠

渡江

遠水平如席遠山高於枕江水吞天來羣山赴江飲江樹  
排圓齊江雲浴爛錦橫江翦一帆削耳風凜凜迥望海門  
烟日出金波念

題畫

紅尾驚看小風拖輕身飛上碧枝柯却因妒煞安欄色一  
點斜陽入翠窩

高吳橋夜發

夢破不可續出門霜未闌月高星影瘦泉凍石棱寒別緒  
車輪轉詩懷行路難五更風力勁漸覺客衣單

途中雜感

春風吹客子閱歷舊山川月又盈三五程教數二千卽看  
今夜色猶作故鄉圓那不吟懷動迴樵獨聳肩

輕駕雙輪疾平隄一道斜棠梨深巷樹藤蔓斷垣花投宿  
知何處停車又此家匆匆肴饌列咬菜舊生涯

習苦齋詩集

卷二

五

一樣花朝過關情客裏春麥苗齊界井柳脚半成人欲覓  
紅難得幽等綠未勻何堪孤館宿草草度芳辰  
風捲雲陰動山闌地勢圓五家攢小屋百畝望平田淺水  
鴉兒欄斜陽驢子鞭行人看不厭飲馬試投錢  
驛壁時畱畫郵筒盡貯詩標題尋舊迹倡和換新詞碧血  
埋荒草青苔篆臥碑幾番搜索後自笑客情癡

弘恩寺松蓋行

古寺松蓋陰冥濛入門兩耳生天風日車不到燭龍死黑  
歷古徑青摩空我來春初葉正茂尚餘殘雪堆頑銅須臾  
衆松向人吼影上敗壁迷青紅或抱或倚相偃覆枝外蒼  
鬱中玲瓏松子粲粲星點墜濤聲夜與天河通欲雨不雨



雲下垂仰見一隙天熊熊我疑黃虬昔遺卵鱗爪竊身非  
天工低頭不敢訴真宰苦戰但決雌與雄是何天矯逞奇  
偏不受鬼神雕琢功大行之雲涿鹿霧乃與此松變化同  
遊子息熱暫憇此目眩不復知西東苦心不敢歌猛虎其  
奈道旁車墜墜僕夫催程太倉猝我為浮名纏其胸安得  
朝服扶苓暮餐脂手控白鶴凌蒼蒼

舟中望金山

江氣遙連北固雲樓臺金碧射朝氛一枝塔影隨人渡兩  
面山光對岸分座上風流蘇學士人間圖畫李將軍近來  
好手還能否我有生綃細縠紋

夜泊虎阜問笛

習苦齋詩集卷二

六

姑蘇城外烟花繞清夜沈沈人語悄笛聲一片下樓來似  
有離人訴懊惱懊惱愁悵那可聽呢呢幽怨寂松檠殘缸  
照睡銀花落獨抱衾裯永夜醒永夜頻聽聽未足更聞人  
靜猶橫玉吹來斷續不分明應是吳娘新譜曲一曲初調  
音尚微忽聞悲亮韻猶稀涼颺散入清空去清空淒響隨  
雲飛聲聲絕調知誰共新詞唱罷還三弄月淡風尖思惘  
然一聲鶯破梅花夢此時風景幾人傳此際家山隔水烟  
無端惹起離愁思坐對星河耿耿天

城東買菊

今歲苦霖雨城東菊猶活放步喜閒曠入望秋光潤紫白  
兼丹黃徧栽及盞鉢圓丁誇妙手絲繩相逼移來以短竹

枝護根土一撮萬物各有態拘攣生膠轉買歸釋其縛使  
我心神豁

苦雨三首用少陵秋雨數韻

壁傾屋漏簷板墮巷陌路斷苔色鮮堂下積水波瀾瀾波  
上滴雨瀉如錢昨聞田禾新告罷止有枯桑死猶立蠶娘  
束手田父嘆眼望青天向天泣

梅雨以後纒紛紛十月未散秋初雲倦耳眩目二百日昏

且暑刻誰能分田舍荒荒盡陰黑牀牀溼盡那可息明朝  
米價不可問但畏倉空敢論直

做禾破甕詎堪數入門何有但存堵况復波濤打衾枕潑  
潑清泪多於雨豈獨噉飢將號寒古來循吏良獨難嗚呼

習苦齋詩集卷二

七

救荒本非策惟願日出星辰乾

夜坐

雲散星暈白簷溜語不止細風穿簾隙屑屑淅人齒清寒  
夜深刺漸覺侵案几挑燈更長吟支坐未忍起莫復歎苦  
雨明朝晴景美

樓居偶成

雞蟲得失那能知終日樓居覺太癡矮壁畫圓張殆徧小  
牕燈火睡常遲偶拈險韻不嫌窄亂抹狂書每好奇却倚  
高橋看天碧微吟又到夜分時

題畫

青山淡如影月落涼雲合隔橋秋水明沙岸風颯颯曉鍾